



[EirGrid.ie/dublin](https://eirgrid.ie/dublin)

Ag Cumhachtú Bhaile Átha Cliath

Bealaí Fhionnghlaise go dtí
An Port Thuaidh / An Port
Thuaidh go dtí An Poll Beag

(An Rogha Feidhmíochta
is Fearr)



Cé hiad EirGrid agus Céard a Dhéanaimid?



2

Is cuideachta faoi úinéireacht an stáit é EirGrid a fhorbraíonn, a bhainistíonn agus a oibríonn eangach leictreachais na hÉireann. Táimid freagrach as soláthar sábháilte, slán agus iontaofa leictreachais na hÉireann. Tá EirGrid ar thús cadhnaíochta freisin maidir le haistriú slán na heangai leictreachais chuig todhchaí inbhuanaithe, ísealcharbóin.

Tugann an eangach cumhacht ón áit a ghintear í chomh fada leis an líonra baile a sholáthraíonn an leictreachas a úsáidimid gach lá i dtithe, gnólachtaí, scoileanna agus ospidéal.

Is bonneagar criticiúil í an eangach leictreachais a thacaíonn le forbairt shochaí agus gheilleagar na hÉireann. Cabhróidh obair a dhéantar anois chun an eangach a fheabhsú le todhchaí níos inbhuanaithe a chruthú.

Céard atá i gceist le Cumhachtú Bhaile Átha Cliath?

Is clár ríthábhachtach é Ag Cumhachtú Bhaile Átha Cliath a neartóidh an príomhbhonneagar leictreachais i mBaile Átha Cliath agus sa cheantar mórthimpeall, agus a chabhraíonn lena chinntiú go mbeidh Éire ‘faoi réir inbhuanaithe’. Cabhróidh an clár seo le soláthar comhsheasmhach agus iontaofa leictreachais a sholáthar do Bhaile Átha Cliath.

Tá bonneagar leictreachais Bhaile Átha Cliath ag dul in aois. Ní mór obair a dhéanamh chun é a athrú agus a nuachóiriú ionas gur féidir le Baile Átha Cliath leanúint ar aghaidh ag forbairt agus ag bláthú, agus níos mó úsáide a bhaint as cumhacht ó fhoinsi in-athnuaite.



Tá méadú tagtha ar éileamh Bhaile Átha Cliath ar leictreachas agus leanfaidh sé de bheith ag fás amach anseo nuair a bheimid ag athrú chun:

- leictreachas a úsáid do theaschaidéil tí,
- feithiclí leictreacha a luchtú, agus
- ár seirbhísí iompair phoiblí a chumhachtú.

Cuirfidh na hoibreacha seo ar chumas Bhaile Átha Cliath freastal ar a éilimh fuinnimh anois agus amach anseo.

Faoin mbliain 2030, ní mór dúinn iarracht a dhéanamh 80% den éileamh ar leictreachas atá á sholáthar ag acmhainní in-athnuaite, cosúil le fuinneamh gaoithe agus fuinneamh na gréine, a bhaint amach. Tá an sprioc seo leagtha amach i bPlean Gníomhaithe ar son na hAeráide na hÉireann. Tá Ag Cumhachtú Bhaile Átha Cliath rithábhachtach maidir leis an sprioc sin a chomhlíonadh.

Cén obair a dhéanfar?

Suiteálfaidh EirGrid, lenár gcomhpháirtithe, níos mó ná 50km de cháblaí 220 kV ar 5 bhealach ar fud na cathrach. Seo thíos na bealaí atá i gceist:

- Fostáisiún Fhionnghlaise go dtí fostáisiún an Phoirt Thuaidh
- Fostáisiún an Phoirt Thuaidh go dtí fostáisiún an Phoill Bhig
- Fostáisiún Charraig Mhaighin go dtí fostáisiún an Phoill Bhig
- Dhá chiorcad a nascann fostáisiún Inse Chór le fostáisiún an Phoill Bhig

Beidh na cáblaí nua 220 kV seo faoi thalamh, agus nascaidh siad fostáisiúin leictreachais mórtimpeall ar Bhaile Átha Cliath.

Déanfar uasghrádú freisin i roinnt fostáisiún chun tacú le líonra leictreachais Bhaile Átha Cliath.

Cuirfidh an obair seo isteach ar dhaoine uaireanta, ach i dteannta lenár gcomhpháirtithe tionscadail, déanfaimid iarracht an cur isteach a íoslaghdú le linn na tógála. Déanfaimid é seo trí bheith ag obair agus i mbun cumarsáide leanúnaí le pobail áitiúla, údaráis áitiúla agus le gnólachtaí i mBaile Átha Cliath.

Gheobhaidh tú eolas sa doiciméad seo faoi bhealach fostáisiún Fhionnghlaise go dtí fostáisiún an Phoirt Thuaidh agus bealach fostáisiún an Phoirt Thuaidh go dtí an Phoill Bhig.

Déantar cur síos ann ar na hathruithe atá déanta ar na tograí bunaidh bunaithe ar aiseolas a fuairamar trínár gcomhairliúchán poiblí agus rannpháirtíocht le páirtithe leasmhara. Chabhraigh sé seo linn an Rogha Feidhmíochta is Fearr a chur le chéile don bhealach seo. Tá rannóg ceisteanna coitianta le fáil ag deireadh an doiciméid seo freisin.

Buntáistí an Tionscadail



Seasmhacht agus iontaofacht an tsoláthair

Trí eangach leictreachais níos iontaoifa agus níos seasmhaí a fhorbairt, cinnteofar go mbeidh fuinneamh ag gach duine san am agus san áit a mbíonn sé ag teastáil. Chomh maith leis sin, cumasóidh an t-uasghrádú seo neamhspleáchas trí leas a bhaint as foinsí fuinnimh níos glaise gar don chathair.



Freastal ar na riachtanais a bheidh ann amach anseo

Cabhróidh na feabhsuithe seo freisin le freastal ar riachtanais leictreachais Bhaile Átha Cliath atá ag dul i méid agus ag athrú. San áireamh tá leictriú córas iompair, feithiclí agus téimh, riachtanais úsáideoirí móra fuinnimh agus forbairt tithíochta agus oifige.



Inbhuanaitheacht

Cuirfidh Ag Cumhachtú Bhaile Átha Cliath ar chumas eangach na cathrach an leictreachas a ghintear ó fhuinneamh gaoithe amach ón gcósta a úsáid agus a tharchur chuig croílár na cathrach. Is céim rithábhachtach é seo chun cabhrú le hÉirinn aistriú chuig leictreachas ísealcharbóin amach anseo.



Geilleagrach

Cabhróidh na huasghráduithe criticiúla seo le geilleagar Bhaile Átha Cliath a neartú, rud a spreagfaidh infheistíocht amach anseo agus a thacóidh léi.



Pobal

Tacóidh ár mbeartas leasa pobail go díreach le pobail áitiúla sna ceantair ina mbeidh bonneagar an tionscadail á óstáil.

Cad atá déanta go dtí seo?

Comhairliúchán Poiblí

Tá EirGrid tiomanta do rannpháirtíocht le páirtithe leasmhara agus leis an bpobal. Nuair a oibrímid le páirtithe leasmhara, le pobail agus le lucht tionscail, déanaimid cinntí níos fearr. Thug an comhairliúchán poiblí deis do pháirtithe leasmhara tionchar a imirt ar na bealaí cábla do Ag Cumhachtú Bhaile Átha Cliath. Chomh maith leis sin, chuir sé faisnéis luachmhar áitiúil, speisialaithe ar fáil a raibh ról lárnach aici sa chinneadh a rinneadh maidir leis na bealaí is oiriúnaí do gach cábla i ngach cuid de Bhaile Átha Cliath.

Reáchtáil EirGrid comhairliúchán poiblí maidir leis na Roghanna Feidhmíochta is Fearr is Dealraithí a Roghnófar le haghaidh cúig bhealach cábla ar fud Mhórcheantar Bhaile Átha Cliath ón 28 Márta go dtí an 23 Bealtaine 2023. Tá na doiciméid a bhaineann leis an gclár seo le fáil ar [shuíomh gréasáin EirGrid eirgrid.ie/dublin](http://eirgrid.ie/dublin)

Cheapamar Oifigigh Teagmhála Pobail speisialta don chlár. Bhunaigh agus d'éascaigh na hOifigigh Teagmhála Pobail fóraim áitiúla ghnó agus phobail mar chuid dár rannpháirtíocht leanúnach le páirtithe leasmhara.

Reáchtáil EirGrid imeachtaí faisnéise poiblí agus seisiúin faisnéise poiblí thar thréimhse chomhairliúcháin 8 seachtaine chomh maith le clinici buail isteach leis an Oifigeach Teagmhála Pobail chun tuilleadh eolais a chur ar fáil agus chun ceisteanna ó bhaill den phobal agus ó úinéirí gnó áitiúla a fhreagairt.

Suirbhéanna agus Measúnuithe

Tá measúnuithe tráchta agus suirbhéanna scagthástála comhshaoil á ndéanamh chun a dheimhniú go bhfuil na riachtanais rialála agus phleanála a bhaineann le clár Ag Cumhachtú Bhaile Átha Cliath á gcomhlíonadh.

Fóram Bonneagair Bhaile Átha Cliath

Bhunaigh EirGrid Fóram Bonneagair Bhaile Átha Cliath i mí na Bealtaine 2022 chun cur isteach ar ghnólachtaí agus ar phobail ar fud na cathrach a íoslághdú. Chun bonneagar straitéiseach a thógáil ar an scála seo, tá gá le dlúthchomhar idir líon mór príomhpháirtithe leasmhara, a bhfuil bonneagar straitéiseach agus tionscadail straitéiseacha á gcur ar fáil ag go leor acu do Chathair Bhaile Átha Cliath freisin.

Páirteach san Fhóram tá gníomhaireachtaí stáit agus comhlachtaí reachtúla atá ag obair le chéile chun deiseanna comhoibríthe a aithint, agus chun smaointe agus faisnéis a roinnt maidir le hoibreacha bonneagair pleanáilte ar fud na cathrach.

Chruthaigh an comhoibriú seo beart deiseanna dearfacha faoi gclár Ag Cumhachtú Bhaile Átha Cliath go dtí seo. Tá a fhios againn gur trí oibriú as lámha a chéile i ngach earnáil den tsochaí a éireoidh le hÉirinn a sprioc sa Phlean Gníomhaithe ar son na hAeráide maidir le hastaíochtaí gás ceaptha teasa glan-nialasacha a chomhlíonadh faoin mbliain 2050.

Céard atá ag Tarlú Anois?

Cheadaigh an t-aiseolas a bhailíomar tríd an gcomhairliúchán agus trí rannpháirtíocht páirtithe leasmhara eile, mar aon le scrúdú teicniúil níos fearr ar gach bealach, do EirGrid na Roghanna Feidhmíochta is Fearr a chinneadh do thrí cinn de na bealaí cábla a cuireadh i láthair in 2023.

Tá na Roghanna Feidhmíochta is Fearr foilsithe againn anois do thrí cinn de na bealaí cábla a bhaineann le Ag Cumhachtú Bhaile Átha Cliath:

- Carraig Mhaighin go dtí An Poll Beag
- An Port Thuaidh go dtí An Poll Beag
- Fionnghlas go dtí an Port Thuaidh

Tá tuilleadh oibre ag teastáil chun bailchríoch a chur ar an dá bhealach atá fágtha chun fostáisiún leictreachais Inse Chór a nascadh le fostáisiún leictreachais an Phoill Bhig. Foilseoidimid na Roghanna Feidhmíochta is Fearr do na bealaí seo níos déanaí i mbliana.



Labhair Sibh, d'Éisteamar Libh

Ghlac EirGrid le 91 aighneacht le linn an chomhairliúcháin phoiblí maidir leis na Bealaí Feidhmíochta is Fearr is Dealraithí a Roghnófar do Ag Cumhachtú Bhaile Átha Cliath. Tarraingíodh aird sna haighneachtaí seo, mar aon leis an rannpháirtíocht ar an talamh le grúpaí pobail, gnólachtaí agus oibreoirí agus rialtóirí móra bonneagair, ar roinnt caolas bóthair agus roghanna malartacha féideartha. Bhí an comhoibriú seo mar bhonn le clár athsholáthair cábla níos fearr agus níos éifeachtúla, a laghdaigh an tionchar ar thrácht, pobail, gnólachtaí agus ar an timpeallacht.

Tá roinnt athruithe déanta ar na bealaí atá beartaithe mar thoradh díreach ar an deis a bheith á tapú ag EirGrid labhairt le pobail, gnólachtaí agus trí Fhóram Bonneagair Bhaile Átha Cliath. Tá cur síos déanta ar chuid de na hathruithe seo thíos:

Fionnghlas go dtí An Port Thuaidh

Léiríodh imní faoi phlódú tráchta ar Bhóthar Fhionnghlaise, trácht faoi thionchar sochraide go Reilig Ghlas Naíon ina measc. Tarraingíodh aird freisin ar thionchair fhéideartha ar ghnólachtaí miondíola agus ar a líonraí dáileacháin le linn an chomhairliúcháin. Tar éis an aiseolais agus na rannpháirtíochta le páirtithe leasmhara áitiúla, shocraíomar gur rogha níos fearr é an bealach seo, i bhfianaise an leibhéil níos ísle plódaithe tráchta ar Bhóthar Ráth Tó.

Cinneadh i ndiaidh suirbhéanna teicniúla a dhéanamh mar aon le rannpháirtíocht le páirtithe leasmhara nach raibh an trasnú a moladh ar dtús trí tholláin seirbhíse atá ann cheana indéanta mar gheall ar phlódú fóntais. Ina áit sin, beidh an cábla ag trasnú faoin M50 ag baint úsáid as Claondruileáil Choithrománach. Níltear ag súil go mbeidh aon tionchar aige seo ar thrácht ar an M50.





Céard é Claondruileáil Chothrománach?

Is modh druileála é Claondruileáil Chothrománach (HDD) a shuiteáilann ducttú agus cáblaí faoi thalamh gan trinsí a thochailt. Druileáiltear feadh an chosáin roghnaithe faoin mbonneagar agus suiteáiltear an ducth riachtanach.



Céard é Ard-Duchtáil?

Is éard atá i gceist le hard-ducttú, nuair atá na bóithre á n-oscailt le haghaidh oibreacha eile, ná go bhfuil deis ann ár nducttú a chur san áireamh freisin chun cur isteach amach anseo a íoslaghdu.



Bhí imní ann faoi bhonneagar iompair phoiblí agus faoin tionchar ar cheantair a bhfuil sé beartaithe oibreacha a dhéanamh iontu a íoslaghdú. Sampla amháin dó seo, is é an stáisiún MetroLink atá beartaithe a fhorbairt i nGlas Naíon a bheadh ag cruthú coimhlint innealtóireachta lenár nduchtanna. I ndiaidh an Mheasúnaithe Ilchritéar a dhéanamh ar go leor roghanna bealaigh, áfach, agus aiseolas ó chomhairliúchán poiblí agus comhoibriú le forbróirí eile laistigh de Bhaile Átha Cliath, aithníodh stráice malartach eile feadh Bhóthar Fhionnghlaise. Ligfidh sé seo don bhealach an limistéar coimhlinte a chur ar sheachonair agus nascadh arís leis an mbealach bunaidh atá beartaithe. Baineadh tairbhe as próiseas den chineál céanna chun coimhlint fhéideartha a sheachaint leis an bhforbairt atá beartaithe ar thailte Iarnród Éireann gar don limistéar den bhealach taobh le Ché an Phoirt Thuaidh.

Trí bheith ag obair le Comhairle Cathrach Bhaile Átha Cliath agus le Cuideachta Phort Bhaile Átha Cliath, bhíomar in ann deiseanna comhoibríthe a aithint chun an

tionchar ar phobail a íoslaghdú. Cinneadh go bhfuil bealach malartach eile ann a d'fhéadfaí a fhorbairt i gcomhthráth le Glasbhealach na Life-na Tulchann. Cuirfidh an spás a chruthófar tríd an gcomhoibriú seo ar chumas an bhealaigh chábla an bóthar plódaithe a sheachaint agus na hoibreacha a chur i gcrích ar bhealach níos inbhuanaithe agus níos éifeachtúla.

Trí dlúthchaidreamh le Cuideachta Phort Bhaile Átha Cliath sainaitníodh go raibh oibreacha beartaithe a d'fhéadfadh suiteáil ard-ductaithe a éascú feadh Bhóthar na Maighne agus in aice le foirgneamh Phort Bhaile Átha Cliath. Anois is féidir leis an mbealach suíomh a thrasnú a ritheann comhthreomhar le Bóthar an Phoirt Thoir seachas ar an mbóthar féin. Tríd an obair seo a dhéanamh le chéile, laghdófar an cur isteach ar thrácht agus giorrófar amlínte tógála.

An Port Thuaidh go dtí An Poll Beag


Ós rud é go bhfuil an bealach seo gar don chósta, bhí roinnt imní léirithe ag an bpobal

agus ag páirtithe leasmhara faoi chosaint na timpeallachta agus faoin tionchar a d'fhéadfadh a bheith ag na hoibreacha ar fhiadhúlra áitiúil.

Rinne EirGrid roinnt measúnuithe timpeallachta agus éiceolaíochta chun an bealach a mbeadh an tionchar is ísle aige ar fhiadhúlra áitiúil a aithint. Déanfar tuilleadh machnaimh ar fhrámaí ama tógála ina bhféadfaí cur isteach ar fhiadhúlra séasúrach.

Leag Comhlacht Phort Bhaile Átha Cliath béim ar an bpointe go raibh oibreacha beartaithe a d'fhéadfadh suiteáil ard-ductála a éascú feadh Bhóthar Alexandra agus Bóthar an Chríochfoirt Theas mar chuid de scéim Ghlasbhealach Inbhear na Tulchann.

Má dhéantar an obair seo ag an am céanna, laghdófar cur isteach ar thrácht agus giorrófar amlínte tógála, feabhsófar inseachadtacht an bhealaigh agus seachnófar tionchair ar bhóithre.



An Rogha Feidhmíochta is Fearr

Fionnghlas go dtí An Port Thuaidh

Cur Síos ar an mBealach

Is forbairt ar an mbealach a aithníodh roimhe seo mar Rogha A le linn an chomhairliúcháin phoiblí in 2023 é an Rogha Feidhmíochta is Fearr a aithníodh don bhealach idir Fionnghlas go dtí An Port Thuaidh.

Fostáisiún Fhionnghlaise go dtí Bóthar Ráth Tó

Tosaíonn cábla Fhionnghlaise go dtí An Port Thuaidh ag fostáisiún Fhionnghlaise ó thuaidh d'Acomhal 5 ar an M50. Beidh sé ag rith trí thailte feirme uaidh sin. Tá sé beartaithe ag EirGrid Claondruileáil Chothrománach (HDD) a úsáid ansin chun tollán a dhéanamh faoin M50, rud a laghdaíonn an tionchar ar thrácht.

Ón M50, rithfidh an bealach trí Eastát

Tionscail na Páirce Thuaidh agus Páirc Ghnó na Cathrach Thuaidh, ag casadh siar ó thuaidh chun rith comhthreomhar feadh an M50 suas go dtí Bóthar Cheapaí. Leanfaidh an bealach Bóthar Cheapaí go dtí Bóthar Ráth Tó, agus seachnófar tionchair ar thrácht nuair is féidir.

Páirc Ghleann na Tulchann go dtí Bóthar Fhionnghlaise

Ó Bóthar Ráth Tó, casann an bealach soir agus ritheann sé feadh an taobh theas de Bóthar Ghleann na Tulchann go dtí go sroicheann sé Páirc Ghleann na Tulchann. Rithfidh sé feadh imeall thoir na páirce agus casfaidh sé leis an gcosán in aice le An Tulcha. Ansin rachaidh sé trasna na habhann faoi thalamh. Bainfidh EirGrid úsáid as HDD nó teicneolaíocht eile gan trinse ionas nach gcuirfear isteach ar an abhainn. Braithfidh an teicneolaíocht shonrach ar thoradh tuilleadh imscrúduithe láithreáin sa chéad chéim eile den tionscadal.

Ó An Tulcha, leanann an bealach an cosán sa pháirc amach go dtí Bóthar

Fhionnghlaise. Ansin leanfaidh sé ar aghaidh síos trí Bóthar Fhionnghlaise agus Bóthar na Radharc chomh fada le Droichead na gCrosghunnaí.

Droichead na gCrosghunnaí go dtí fostáisiún an Phoirt Thuaidh

Ag Droichead na gCrosghunnaí, rachaidh an bealach trasna na línte iarnróid laistigh de na droichid choisithe atá beartaithe a thógáil mar chuid de Scéim Chonair Bus Lárnach BusConnects do Bhaile Munna/ Fionnghlas. Ansin nascfaidh sé leis an arduchtú atá suiteáilte feadh Ghlasbhealach na Canálach Ríoga. Déanfar an dearadh mionsonraithe don trasnú droichid i rith na chéad chéime eile den tionscadal seo.

Táthar ag súil go dtaistealóidh an bealach chuig fostáisiún an Phoirt Thuaidh ar an taobh theas de Bóthar Alexandra chun na línte iarnróid ar an taobh thuaidh a sheachaint, ach beidh sé seo faoi réir dearadh mionsonraithe i rith na chéad chéime eile den chlár.

An Port Thuaidh go dtí An Poll Beag

Cur Síos ar an mBealach

Is é an Rogha Feidhmíochta is Fearr a aithníodh idir An Port Thuaidh go dtí An Poll Beag, an bealach a aithníodh roimhe seo mar Rogha D le linn an phróisis rannpháirtíochta poiblí. I ndiaidh an bhealaigh a mhionchoigeartú, beidh an bealach seo 400 méadar níos giorra ná Rogha D a cuireadh i láthair le linn an chomhairliúcháin phoiblí.

Fostáisiún an Phoirt Thuaidh go dtí An Life

Tosaíonn an bealach cábla ag fostáisiún leictreachais an Phoirt Thuaidh ar Bhóthar Alexandra.

Ansin taistealóidh an cábla feadh Bhóthar Alexandra sula gcasfaidh sé ó dheas feadh Bhóthar an Chríochfoirt Theas, ag leanúint ar aghaidh chomh fada le poll lainseála chun An Life a thrasnú.

An Life go dtí fostáisiún an Phoill Bhig

Ansin trasnóidh an bealach An Life go dtí An Poll Beag, agus lainseálfar é ó charrchlós Irish Ferries. Anseo, trasnóidh sé go dtí taobh an Phoill Bhig den abhainn, ag leaindeáil in aice le hOibreacha Cóireála Fuíolluisce Uisce Éireann faoi réir chomhoibriú leanúnach le Uisce Éireann, agus ceadúnú.

Meastar gurb é tollánú an t-aon teicneolaíocht indéanta don trasnú seo agus beidh sé faoi réir bhreithniúchán pleanála agus timpeallachta. Tá an seافتa fáiltithe tollán-trasnaithe (pointe sceite) atá beartaithe suite an-ghar don fhostáisiún, agus deimhneofar teicneolaíocht an bhealaigh dheiridh le linn na céime tionscadail ina dhiaidh seo.



Tuilleadh Eolais

Tá tuilleadh eolais le fáil - lena n-áirítear léarscáileanna mionsonraithe, an tuarascáil chomhairliúcháin, tuarascálacha teicniúla agus staidéir féidearthachta – le fáil ar ár leathanach gréasáin speisialta do Ag Cumhachtú Bhaile Átha Cliath: eirgrid.ie/dublin

Ceisteanna Coitianta

An gcuirfidh an tionscadal seo isteach ar dhaoine?

Cuirfidh, ach chun an cur isteach a laghdú agus oibriú ar bhealach chomh héifeachtach agus is féidir, tá EirGrid ag comhoibriú le fóntais, soláthraithe iompair, údarais áitiúla agus neart eagraíochtaí eile atá faoi úinéireacht an stáit. Tá Fóram Bonneagair Bhaile Átha Cliath bunaithe againn le grúpaí oibre éagsúla chun tacú leis an gcomhordú sin. Tabharfar aird ar an gcur chuige i leith chéim na tógála agus beart féideartha, amhail bainistíocht tráchta, chun cur isteach ar chúrsaí tráchta a íoslághdú.

Cathain a chuirfear tús leis an obair thógála?

Tá obair ard-ductála déanta cheana féin ar an mbealach idir Fionnghlas agus An Port Thuaidh feadh Ghlasbhealach na Canálach Ríoga. Cuirfear tús le tuilleadh obair thógála in 2024. Tá cinneadh le déanamh fós maidir le cathain a chuirfear tús leis an obair thógála ar an mbealach idir An Port Thuaidh agus An Poll Beag, ach táthar ag súil go gcuirfear tús leis an obair ag deireadh 2024 nó ag tús 2025.

An mbeidh sé riachtanach bóithre a dhúnadh chun na hoibreacha a dhéanamh?

Sa chás go bhfuil na bealaí cúng, b'fhéidir go mbeadh sé riachtanach bóithre a dhúnadh. Déanfar é seo a chinneadh agus a chomhaontú leis an údarás áitiúil sula gcuirfear tús leis an obair thógála agus aontófar pleananna bainistíochta tráchta iomlána. Cuirfear gnólachtaí agus pobail ar an eolas sula ndúnfar aon bhóthar.

An bhfuil an cinneadh maidir leis an mbealach críochnaitheach?

Is iad na bealaí a chuirtear i láthair sa doiciméad seo an Rogha/na Roghanna Feidhmíochta is Fearr bunaithe ar

rannpháirtíocht áitiúil agus measúnuithe dá chuid féin a bheith déanta ag EirGrid. Cuirfear réimse leathan staidéar, imscrúduithe agus suirbhéanna i gcrích chun bonn eolais a chur faoi fhorbairt an bhealaigh. Díreoidh na suirbhéanna a dhéanfar ar sheandálaíocht, éiceolaíocht, imscrúduithe mara, imscrúduithe talún, suirbhéanna fóntais, hidreolaíocht agus measúnuithe teicniúla.

Níl aon athrú mór eile beartaithe ar na bealaí atá ann cheana, ach i gcás ina mbeidh gá le hathrú den sórt sin, déanfar tuilleadh rannpháirtíochta leis na páirtithe leasmhara.

Cad iad na chéad chéimeanna eile?

Leanfaidh EirGrid ar aghaidh le cúrsaí a phlé le pobail áitiúla agus le páirtithe leasmhara. Cuirfimid tuilleadh suirbhéanna agus imscrúduithe láithreáin i gcrích freisin. Más cuí, déanfaimid bealaí a bheachtú ar bhonn aiseolais agus eolais bhreise. Le haghaidh gach cábla faoi thalamh a sholáthraimid, cuirfimid 3% de chostas an chábla ar fáil don chiste Leasa Pobail.

An mbeidh leas pobail ag baint leis an tionscadal seo?

Beidh, fad is a bheidh Ag Cumhachtú Bhaile Átha Cliath ar siúl, déanfimid iarracht tacú leis na pobail mar chuid dár mBeartas Leasa Pobail. Díreoidh ár dtacaíocht ar na téamaí seo a leanas - pobail, inbhuanaitheacht agus bithéagsúlacht. Beimid á dtreorú ag páirtithe leasmhara áitiúla chomh fada is a bhaineann leis na bealaí is fearr chun leas a bhaint as na cistí leasa pobail atá curtha ar leataobh do na tionscadail seo, ionas go dtacófar leis na heagraíochtaí, na clubanna agus na grúpaí sin a bhfuil an tionchar is dearfaí acu i measc na bpobal seo.

Conas a bhainistear tionchair ar an bhfiadhúlra feadh an chósta?

Rachaidh EirGrid i dteagmháil le páirtithe leasmhara timpeallachta cosúil le Iascach Intíre Éireann, an tSeirbhís Páirceanna Náisiúnta agus Fiadhúlra, Uisce Éireann agus oifigigh oidhreachta na n-údarás áitiúil. Chun tacú le tiomantas EirGrid

d'athchóiriú an dúlra, cuirfimid feabhsuithe bithéagsúlachta san áireamh inár ndearaí (amhail athphlandú speiceas dúchasach ar limistéir thógála shealadacha). Déanfar é sin i gcomhairle leis na páirtithe leasmhara ábhartha.

Imeachtaí Eolais

Beidh roinnt preabimeachtaí eolais á reáchtáil ag EirGrid chun eolas a chur ar fáil don phobal faoi gach ceann de na bealaí roghnaithe. Is deis iad na himeachtaí seo do dhaoine agus do ghrúpaí leasmhara an méid seo a leanas a dhéanamh:

- labhairt le ball den fhoireann theicniúil agus lenár nOifigeach Teagmhála Pobail,
- féachaint ar léarscáileanna mionsonraithe de na bealaí, agus
- ceisteanna a chur nó ceisteanna a d'fhéadfadh teacht chun cinn maidir leis na bealaí roghnaithe a phlé.

Is imeachtaí buail isteach iad seo agus ní gá duit coinne a dhéanamh. Chomh maith

leis sin, tá ár bhfoireann sásta bualadh le daoine aonair, grúpaí pobail agus grúpaí gnó ar bhonn duine le duine má iarrtar sin.

Seo thíos sonraí na n-imeachtaí:



6 Feabhra, 11am - 7pm

Ionad Siopadóireachta Bhaile Shéarlais, Fionnghlas



8 Feabhra, 11am - 7pm

Ionad Sráidbhaile Bhaile na Lobhar, Baile Uí Ógáin



12 Feabhra, 11am - 4pm

Ionad Pobail Sheáin Uí Chathasaigh, An Port Thoir



15 Feabhra, 11am - 7pm

Ionad Frascati, An Charraig Dhubh



20 Feabhra, 11am - 7pm

Ionad Frascati, An Charraig Dhubh



22 Feabhra, 11am - 7pm

Clearwater, Fionnghlas

Sonraí Teagmhála

Má theastaíonn tuilleadh eolais uait nó ná theastaíonn doiciméid i bhformáid eile uait, déan teagmháil linn trí ríomhphost a sheoladh chuig dublin@eirgrid.ie nó nóta scríofa a sheoladh chugainn ag an seoladh seo a leanas:

Ag Cumhachtú Bhaile Átha Cliath
EirGrid PLC
160 Bóthar Shíol Bhroin
Droichead na Dothra
Baile Átha Cliath
D04 FW28

Chomh maith leis sin, is féidir leat teagmháil a dhéanamh lenár nOifigeach Teagmhála Pobail:



Liz Dillon
Oifigeach Teagmhála Pobail

Liz.Dillon@eirgrid.com
087 188 7982



Scan anseo chun
níos mó a fhoghlaim faoi
Ag Cumhachtú
Bhaile Átha Cliath





An tUbhchruth, 160 Bóthar Shíol Bhroin,
Baile Átha Cliath, 4D04 FW28
01 627 1700 | EirGrid.ie

